

سنه لکی درسعات ایچون مجیدیه  
یکرمی غروش حسابله الشمس  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سی ۴۰ پاره در

# قانون مجازات

آبونه اولق ایستینلر دائره عدلیه ده  
اداره مخصوصه سنه مراجعت  
ایتملیدر

اعلاناک بهرندن بر مجیدیه اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر .

## تَبْلِغَات

موقت توقیف و تحایه امرلریله منع محاکمه قرار-  
نامه لری حقنده مستنطق ایله رئیس محکمه بیننده  
اختلاف وقوعنده رئیس طرفندن درمیان اولسان  
اسباب قانونیه نك مستنطق کجه قرارشکنه وضعیه مدعی  
عمومیلک مأموریتیه تبلیغی و مأموریت مذکوره جانبندن  
قبول اولمیدینی حالده اعتراضاً هیئت اتهامیه به تودیی  
معامله فی برقاندها تأمین ایده جکمه دائر انقره ولایتی  
استیناف محکمه سی مدعی عمومیلکندن وقوعبولان  
اشعاره ، مستنطق قرارنامه لرینک رئیس محکمه  
جانبندن تصدیق امرنده قانوناً ککوستریلان لزوم  
مستنطق افراد رأینه میدان ویرلماک مقصدینه  
مبتنی اولمسنه کوره لاجل التصدیق رئیس محکمه به  
ویریلان قرارنامه لر حقنده رئیس جانبندن اعطا قلنان  
امر مستنطق امتثال ایتیمی مجبوری اولوب مو-  
جنبه اتخاذ قلنه حق قرارک اسباب قانونیه نك وجودیه  
مدعی عمومیلر جانبندن اعتراض صورتیه هیئت  
اتهامیه سوق ایجابات قانونیه دن اولمغه رئیس محکمه  
جانبندن ترقیم قلنه حق امر تحریرینک آروجه مدعی  
عمومیلک تبلیغه محل اولیوب مستنطق بالامتثال  
تنظیم ایده جکی قرارنامه علینده غداایجاب طرق  
قانونیه به مراجعت اولمسی لازم کله جکی جوانی انجمن  
عدلیه قراریه مذکور مدعی عمومیلک تبلیغ اولمشدر .

## مَحَاکِمَاتُ مَقَرِّات

آنیقه قادی تزوج وعدیه طولاندیردینی ادعا  
اولمسندن دولای مظنون علیه اولان یانقونک درت  
ماه مدته حبسنه دائر درسعات استیناف محکمه سی  
جنبه قسندن ویریلان اعلامک تمیزی حقنده اعطا  
قلنان عر ضحال ایله اوراق متفرعه سی لدی التدقیق  
مستدعینک شرائط تمیزی به تمامیه ایضا ایتدیکندن  
ناشی اصول محاکمات جزائییه قانوننک اوچیز یکرمی  
بشنجی و اوچیز یکرمی آلتنجی و اوچیز یکرمی  
یدنجی ماده لری احکامنک اجراسز قالدینی تحقق  
ایتمسنه مبنی عر ضحال مذکورک ردینه محکمه تمیز  
استدعا دائره سنجه قرار ویرلشدر .

سرقه ماده سندن دولای مظنون علیه اولان  
هاجرک آلتی ماه مدته حبسنه دائر اوره سنجان  
بدایت محکمه سی جزا دائره سندن ویریلان اعلامک  
تمیزی حقنده اعطا و محکمه مذکوره مدعی عمومی  
معاونلکندن اسرا قلنان عر ضحال ایله اوراق متفر-  
عه سی لدی التدقیق اعلام مذکور بدایت ویریلوب  
قابل استیناف اولدینی حالده استیناف دعوی ایدلکسزین  
تمیزاً تدقیق استدعا ایدلکی آکلاشلمش و مواد  
جزائییه دائر اولان اعلاماتک تمیزی ایسه اصول  
محاکمات جزائییه قانوننک اوچیز یکرمی ایکنجی  
ماده سی موجبجه صوک درجه ده ویریلان حکمی  
حاوی وقطعی اولمسیله مشروط بولمسنه نظراً اعلام  
مذکورک بوشرائطی جامع اولمیدینی جهتله قابل تمیز  
بولنامش اولدیغندن عر ضحال مذکورک ردینه محکمه  
تمیز استدعا دائره سنجه قرار ویرلشدر .

جرمک اسباب ثبوتیه سنک تعداد و توضیح  
ومظنون علیهمک مدافعات واقعه سنک اسباب  
موجبه ردیه سی تصریح ایدلما سی نقض حکمی  
مستلزم بولندیغنه دائر محکمه تمیز جزا دائره سندن  
اعطا قلنان ۲۴ شباط سنه ۳۱۶ تاریخی اعلامدر:  
درسعات استیناف محکمه سی جنبه دائره سندن  
ویریلان ۲۴ تشرین اول سنه ۳۱۶ تاریخ و یوز  
اون آلتی نومرولی اعلامک تمیزی مستدعی حمزه  
طرفندن ویریلان استدعا نامه دائره عائد سنجه قبول  
ایدلکله مذکور اعلام ایله لایحه تمیزی و متفرعاتی  
باش مدعی عمومیلک مأموریت بهیه سندن ۲۷ تشرین  
ثانی سنه ۳۱۶ تاریخ و اوچ بیک بشیوز الی اوچ  
نومرولی تبلیغنامه ایله محکمه تمیز جزا دائره سنه  
کوندلماکله مطالعه اولندی .

اعلام مذکورک مالی قوجه مصطفی پاشا جوارنده  
حاجی حمزه محله سنده ساکنه بابوردلی آمینه خاتمک  
درسعات بدایت محکمه سی برنجی حقوق دائره سنده  
اقامه ایدلکی آله حق دعواسنده یلان ره یمین ایدلکی



ادعا قلمسندن طولای مظنون علیه اولان رژی اداره می عمله سندن بابوردلی حمزه بن عبداللہک آلتی ماه مدتلہ حبسنہ دائرہ بدایہ ویریلان حکمک عندالاستیناف تصدیقہ قرار ویرلیدکندن عبارتدر. مذکور لایحہ تمیزیدہ محکمہ حقوقہ قبول واجرا ایلدیکی مین مدعیہ من بوره امینہ خاتمہ هیچ بروجهلہ دینی بولمیدینه متدائر اولدیغه و میرز سندلیسه مزبوریه عاقل اولیوب زوجی شاکر اغانک اولدینی حقندہ در میان ایلدیکی مدافعانک محکمہ استینافیه چه نظر اعتبارہ اندیغنه واعلامده اعترافک نہ صورتلہ وقوعبولدیغک تعین وتوضیح واعطا ایلدیکی ایحار یوصله سنک عیناً وایخلاصہ درج وتصرح ایلدیکنہ ومادہ قانونیہ نک استیناف اعلامده مندرج اولدیغه دائر اعتراضات سردیلہ حکم مذکورک تقضی استدعا قلمشددر.

تبلیغنامہ دہ دخی جرمک اسباب نبوتیہ سنک غیر واضح ونقصانی تدقیقاتہ مبنی بولدیغه دائر لایحہ دہ سرد اولنان اعتراضاتک وارد وبجا کوردیکنہ مبنی اعلام مذکورک تقضی طلب اولنشددر.

تدقیقات تمیزیہ اجرا اولندقدہ جرمک اسباب نبوتیہ سنک تعداد وتوضیح ومظنون علیہک مدافعات واقعه سنک اسباب موجبہ ردیہ می تصریح ایلدیکی اعلام استینافی مندرجانتدن اکلشایدیغندن تبلیغنامہ دہ لایحہ تمیزیہ عطفاً الحق بوجهی تضمن ایدن اعتراف. ضات بجا کورلمکله اصول محاکمات جزائیہ قانوننک اوچوزاون دردنجی و اوچوزاون طقوزنجی مادہ لری احکامہ توفیقاً اعلام مذکورک تقضه واوراقلک محکمہ مذکوریه اعاده سنہ وایکی یوز غروش تمیز اعلامی خرجک تحصیلنہ ۲۴ شباط سنہ ۱۳۱۶ تاریخده قرار ویرلدی.

\*\*\*

اینہ آباد ناحیہ سنہ تابع قرہ بیکار قرہ سنہ ساکن سیاسلمی طویال آطناشی جرح و قتل ایلنندن دولای جنایتلہ اتهام اولنان ابوالقلی نیقولا اوغلی آطناشینک اون بش سنہ مدتلہ کورک قولنسنہ دائر آیدین سنجانجی بدایت محکمہ سی جزا دائرہ سندن ایکنجی دفعہ اولهرق ویریلان آلتش درت نومرولی اعلام محکمہ تمیز جزا دائرہ سنجه تصدیق ایلنشددر.

از ضرورم ولایتی مرکزینک طاش مسجد محلہ سندن قربان اوغلی طیفورک کیفیت قتلندن دولای جنایتلہ اتهام اولنان بایندر قضاسنک اورتوزی قرہ سی اھالیسندن ملا باقی اوغلی احمد چاوشک اون بش سنہ مدتلہ کورک قولنسنہ دائر ولایت مذکورہ استیناف محکمہ سی جزا دائرہ سندن ویریلان یوز سکر نومرولی اعلام

محکمہ تمیز جزا دائرہ سنجه تصدیق ایلنشددر.

عزیزیه قضاسنک الی کسبک قرہ سندن شوک اوغلی مسعودک کیفیت قتلندن دولای جنایتلہ اتهام اولنان اہ ویردی اوغلی رضوانک اون بش سنہ مدتلہ کورک قولنسنہ دائر سیواس ولایتی استیناف محکمہ سی جزا دائرہ سندن ویریلان ۲۷۷ نومرولی اعلام محکمہ تمیز جزا دائرہ سنجه تصدیق اولنشددر.

اولونہ قضاسنک مالک قرہ سی اھالیسندن عابدین فاقونک کیفیت قتلندن دولای جنایتلہ اتهام اولنان غوروش قرہ سی ساکنلرندن صادق بن اسلامک اون بش سنہ مدتلہ کورک قولنسنہ دائر برات سنجانجی بدایت محکمہ سی جزا دائرہ سندن اعطالقلان اوچ یوز یکریمی بش نومرولی اعلام محکمہ تمیز جزا دائرہ سنجه تصدیق اولنشددر.

بوسنہ مهاجرلرندن یوزک عمرک قتل اولننندن دولای جنایتلہ اتهام اولنان راشدک اون بش سنہ مدتلہ کورک قولنسنہ دائر یکی بازار بدایت محکمہ سی جزا دائرہ سندن اعطالقلان قرق یکی نومرولی اعلام محکمہ تمیز جزا دائرہ سنجه تصدیق ایلنشددر.

تقی قضاسنک درہ قرہ سندن حاجی محمود اوغلی احمد اغانک مغازہ سی دیوارینی دلہرک اموالی سرت ایلدیکی ادعاسندن دولای جنایتلہ متهم اولان کرم قرہ سی اھالیسندن الماللی اوغلی عثمان ودرہ قرہ سندن ولی بن عبدینک اوچر سنہ مدتلہ کورک قولنلرینہ دائر بوردور سنجانجی بدایت محکمہ سی جزا دائرہ سندن اعطالقلان یتش اوچ نومرولی اعلام محکمہ تمیز جزا دائرہ سنجه تصدیق ایلنشددر.

سکودلی قرہ یلی حاجی عمر اوغلی علیسنک مادہ قتلندن دولای جنایتلہ اتهام اولنان محمد بن لطیف وعینی اوغلی عثمانک اون بشر سنہ مدتلہ کورک قولنلرینہ دائر صاروخان سنجانجی بدایت محکمہ سی جزا دائرہ سندن اعطالقلان ایک یوز یکریمی طقوز نومرولی اعلام محکمہ تمیز جزا دائرہ سنجه تصدیق اولنشددر.

آرابعی راسمک کیفیت قتلندن دولای جنایتلہ اتهام اولنان سلائییک کولچک محلہ سی اھالیسندن وپشتالچی اصنافندن بکتاش بن محمدک اون بش و مرقومہ معاونت ایدن فس قالبجیسی اسماعیل بن عبداللہک اوچ سنہ مدتلہ کورک قولنلرینہ دائر سلائییک ولایتی استیناف محکمہ سی جزا دائرہ سندن اعطالقلان درتوز یکریمی نومرولی اعلام محکمہ تمیز جزا دائرہ سنجه تصدیق ایلنشددر.

وزہ قضاسنک یوالی قرہ سی اھالیسندن دیموسنک ولدناتشک کیفیت جرحندن دولای جنایتلہ اتهام اولنان موالی قرہ سندن یوزکی ولدابوستولک اوچ سنہ مدتلہ کورک قولنسنہ دائر قرق کلیسا سنجانجی بدایت محکمہ سی جزا دائرہ سندن اعطالقلان یوز آلتش درت نومرولی اعلام محکمہ تمیز جزا دائرہ سنجه تصدیق ایلنشددر.

جسر شعور قضاسنہ تابع یہود قرہ سی اھالیسندن علی بن خلیلک قہوہ خانہ سی دیوارندن آشہرق اوکوز وایتکنی سرت ایتنندن دولای جنایتلہ اتهام اولنان اسعد بن احمدک اوچ سنہ مدتلہ کورک قولنسنہ دائر حاب ولایتی استیناف محکمہ سی جزا دائرہ سندن ویریلان یوز یتش اوچ نومرولی اعلام محکمہ تمیز جزا دائرہ سنجه تصدیق اولنشددر.

معاملات فسادیه جرات ایتنندن دولای جنایتلہ اتهام اولنان جبل غربی سنجانجی اھالیسندن سلیمان بن عبادہ بارونینک بش سنہ مدتلہ قلعه بند ایلنسنہ دائر طرابلس غرب ولایتی استیناف محکمہ سی جزا دائرہ سندن ایکنجی دفعہ اولهرق ویریلان یوز قرق یدی نومرولی اعلام محکمہ تمیز جزا دائرہ سنجه تصدیق اولنشددر.

بابی قضاسنہ تابع تادف قرہ سندن اسماعیل بن شیونک خانہ سی دیوارینی دلہرک اشیاسنی سرت ایتنندن دولای جنایتلہ اتهام اولنان قرہ مذکورہ ی محمد علی بن مصطفی عارونینک اوچ سنہ مدتلہ کورک قولنسنہ دائر حلب ولایتی استیناف محکمہ سی جزا دائرہ سندن ویریلان اوچوز آلتش اوچ نومرولی اعلام محکمہ تمیز جزا دائرہ سنجه تصدیق اولنشددر.

کرون قصبہ سنک شغول محلہ سندن بلوش اوغلی آرینک ضرباً وفاتنہ سببت ویرمندن دولای جنایتلہ اتهام اولنان قصبہ مذکورہ ی قاریو وار طابت ولد قصابک بش سنہ کورک قولنسنہ دائر سیواس ولایتی استیناف محکمہ سی جزا دائرہ سندن ویریلان برنومرولی اعلام محکمہ تمیز جزا دائرہ سنجه تصدیق اولنشددر.

پرشته سنجانغک غودانچہ قرہ سندن ایت بن ذاکرہ قتل قصیدلہ سلاح انداخت ایتنندن دولای جنایتلہ اتهام اولنان قرہ مذکورہ ی فضل بن احمدک اوچ سنہ مدتلہ کورک قولنسنہ دائر لوا مذکور بدایت محکمہ سی جزا دائرہ سندن اعطالقلان ایک یوز اوکوز بر نومرولی اعلام محکمہ تمیز جزا دائرہ سنجه تصدیق اولنشددر.

رژی قولیلرندن درہ کوبلی اوغلی علی ایلہ دلکعبا قرہ یلی محمدک قتل اولنلرندن دولای جنایتلہ اتهام اولنان ناری اسلام قرہ یلی اچان اوغلی حسن بن محمدک اون بش و مرقومہ معاونتہ بولنان حسین بن مصطفی وکنعان اوغلی حسین وجانباز اوغلی مرتضانک دردر سنہ مدتلہ کورک قولنلرینہ دائر طبرزون ولایتی استیناف محکمہ سی جزا دائرہ سندن ویریلان اوچوز طقسان نومرولی اعلام محکمہ تمیز جزا دائرہ سنجه تصدیق اولنشددر.

درافہ قرہ یلی اندر یابی قتل قصیدلہ جرح ایتنندن دولای جنایتلہ اتهام اولنان قرہ مذکورہ ی فلیب ولد میقولنک اوچ سنہ مدتلہ کورک قولنسنہ دائر اشقودرہ ولایتی استیناف محکمہ سی جزا دائرہ سندن اعطالقلان قرق درت نومرولی اعلام محکمہ تمیز جزا دائرہ سنجه تصدیق ایلنشددر.

بتلیس سرقومیسری حللی بکک قتلندن دولای غیاباً اعدام جزاسنہ محکوم اولان فراری اوسبہ انانی قتله معاونت و مرقومک تسویہ امورینہ خدمت ایتدیکی ادعا اولننندن دولای کذلک جنایتلہ اتهام ایدیلان قزاز ولد بابیکک درت وموسیس ولدمغریچ ایلہ حاجی آرینک وسیمونک کریمہ یی دلبرک اوچر سنہ مدتلہ کورک قولنلرینہ دائر ارضروم ولایتی استیناف محکمہ سی جزا دائرہ سندن اعطالقلان یوز سکسان سکر نومرولی اعلام محکمہ تمیز جزا دائرہ سنجه تصدیق اولنشددر.

بیروت اھالیسندن احمد اقدی القاضی نک لیللاً طریق عامدہ اوکنہ چیقوب کندوسنی ضرب وجرح و برعدد ساعتلہ تقو دینی اخذ وغصب ایتدیکی ادعا اولننندن دولای جنایتلہ اتهام ایدیلان ابراہیم بن عبدالغنی غنومک درت وبوسف بن الحاج یوسفک اوچ سنہ مدتلہ کورک قولنلرینہ دائر بیروت ولایتی استیناف محکمہ سی جزا دائرہ سندن ویریلان یتش نومرولی اعلام محکمہ تمیز جزا دائرہ سنجه تصدیق ایلنشددر.

چفت برغوسنہ صادق اقدینک چفتلکندہ واسیلی ضرب ایدرک وفاتنہ سببت وبردکاری ادعاسیلہ متهم اولان استاوری و دیمتری ومحمد حقنلرندہ ایکنجی دفعہ اولهرق اجرا قلنان محاکمہ وجاهیہ نتیجہ سنہ بشر سنہ مدتلہ کورک قولنلرینہ محکمہ جنایتجہ قرار ویرلشددر.

بشکطاشدہ ساکن عمر لطفی بکک بلدیہ چاوشلرندن

محمد اغانیہ ناموسه طوقور سوزوبلیدیکی ثابت اولدیغندن میرمومی الہدن ایک لیرا جزای نقدی اخذینہ بک اوغلندہ قیوچی زقاعندہ ساکنہ فالبرو بنت یوزکینک فری کوبیندہ ساکنہ انسطاشیہ بنت استفانی ضرب وجرح ایلدیکی اکلشایدیغندن مرقومدن برلیرا آلنوب مجروحیہ ویرلسنہ غلطہ دہ مومخانہ اسکله سی صندالچیلرندن رضانک ماونہ دن برچوالد قیق سرت ایلدیکی تحققات ایتدیکندن اوچ ماه حبسنہ وختام مدتہ ضابطہ جہ کفالتہ ربطہ باغچوان داودی ضرب ایدن فری قرہ سنہ ساکن انکترہ دولتی تبعہ سندن دوشمہ جی ماتودن ایک لیرا جزای نقدی اخذینہ و مرقوم داویدک دخی ماتونک والدہ سنک خانہ سنہ حق دخولی اولدیغنی حالده بالذخول مرقوم ماتوینی ضرب ایلدیکی ثابت اولدیغندن خانہ یکریمی اسباب مشددہ عداولہرق ضربدن طولای اون بش کون حبسنہ

جزایاتی ولد سیمونک سرسریلیکی ثابت اولدیغندن سرسری نظامنامہ سنک اوچنجی مادہ سی موجنجه اوچماہ حبسنہ وختام مدتہ ضابطہ جہ تسبیب اولنہ حق محلہ طرد و تبعیدینہ

انسطاش ولد توفیلوسک باغالتیدہ یابر زقاعندہ ساکنہ اسپاسیانک اشیاسنی سرتقہ تصدی ایلدیکی وعین قتلہ محکومیت سابقہ سی بولدیغنی اکلشاملسنہ مبنی بر سنہ مدتلہ حبسنہ

صادی یارده قبرستان زقاعندہ ساکن اسپیریوی ضرب ایدن روم ایللی قواعندہ مقیم ادمندن بریقچی لیرا آلنوب مضروبہ اعطاسنہ

اورتہ کوبیدہ تراموای جادہ سنہ قلابچی قسطنینک آیزمہ نام محلہ ساکن لوقینی ضرب ایلدیکی ثابت اولدیغندن اون کون حبسنہ

آینتلی قواقدہ سقا چشمہ سی زقاعندہ ساکن میشون باردوح ایلہ خاصکوبلی مناخیم مزراہینک تکفور طاغلی واسیلک قابغندن صوغان سرتقہ ایلدیکی ثابت اولدیغندن اوچر آی حبسلرینہ وختام مدتلرندہ ضابطہ جہ کفالتہ ربطلرینہ

سلامزردہ طاع حمامندہ ساکن طاطیوس ولد قصابک کورکی بغوصی ضرب ایلدیکی تحققات ایتدیکندن بریقچی آلتونی الہرق مضروبہ ویرلسنہ ایجادیہ دہ ساکن استبان ولد کورقور ایلہ یکی محلہ دہ ساکن تیورچی قرہ بیکک مضاربہ ایلدیکی ثابت اولدیغندن استبانک برهقہ وقرہ بیکک اون کون حبسلرینہ

اسب بازارندہ ساکن هاشمہ قادیانک اسما قادی ضرب ایلدیکی ثابت اولمغلہ بریقچی محیدی آلتونی الہرق مضروبہ امایہ ویرلسنہ

قلمه قوسندہ مقیم انکترہ دولتی تبعہ سندن موسیو ارتولونک محلہ آرسندہ طابجہ انداخت ایلنندن طولای یکریمی درت ساعت حبسیلہ بش بشاک جزای نقدی اخذینہ قاضی قرہ سنہ ساکن کرقور ولد اغویک لیغوری ضرب وجرح ایلدیکی تبین ایتدیکندن برهقہ حبسنہ قوزغنجقدہ ساکن ترزی دیمتری ولد بانینک میخانہ جی علکی وقطیہ تشہیر سلاح ایلدیکی ثابت اولدیغندن اون کون حبسنہ

اغا حمامندہ ساکن اراہجی طورمشک مخدومی مصطفی اغا ایلہ کلغم خاتون محلہ سنہ ساکن قصاب حسینک یکدیگری ضرب وجرح ایلدیکی تبین ایتکملہ مصطفانک قرق کون وحسینک اون کون حبسلرینہ

قاضی قرہ سی اسکله سنہ قطار مأموری خانظ محمد افدینک علی اقدی یی ضرب ایلدیکی تحققات ایتدیکندن بریقچی آلتونی الہرق مضروبہ ویرلسنہ یوک بارکیرجیسی علی ایلہ مصطفانک بالنازاعہ یکدیگری ضرب ایلدیکی اکلشایدیغندن برر هفته حبسلرینہ

آتالامہ طاشندہ ساکن رنجبر سامان وحسینک بالنازاعہ مضاربہ ایلدیکی اکلشایدیغندن برر هفته حبسلرینہ

قاضی قرہ سنہ قرہ غولخانہ زقاعندہ طوغرامہ جی دکانندہ جراق قوزمہ ولد اواکیمک اوستہ سی یانینک صندیغندن بر ساعت وبر روولورینی سرتقہ ایلدیکی ثابت اولمغلہ آلتی آی حبسنہ

قہوہ جی موسانک جامنی قیرمش اولان قرغانچی عثمان بن حسینک اون بشک جزای نقدی آلتسنہ بک اوغلندہ مقیم کریم بکک مکتب طلبہ سندن ضیا فائق اقدی یی اخافہ قصیدلہ تشہیر سلاح ایلدیکی ثابت اولدیغندن اون کون حبسنہ

بک اوغلندہ اطہ زقاعندہ ساکن اولشاق داویدی ضرب وجرح ایدن علی بکک اون کون حبسنہ

طاطاولدہ عرب میداندہ ساکن سمسار واسیلاکینک چراغی علقونک اغلائیا خاتونک کوبہ لری سرتقہ ایلدیکی و مرقومک عین فعل ایلہ محکومیت سابقہ سی بولدیغنی ثابت اولدیغندن برسنہ مدتلہ حبسنہ و مسروق کوبہ نکدہ صاحبہ اعاده سنہ غلطہ دہ قرہ اوغلان زقاعندہ قہوچی یوزکینک چراغی محدی ضرب ایتدیکی اکلشایدیغندن اون کون حبسنہ

فندقچی رفائی جرح ایدن قیصری یی آرینک ولد قرہ بتدن بریقچی آلتونی الہرق مضروبہ اعطاسنہ



قد قایده ساکن عربی راشدک ایاس پاشاده  
مقیم علینک مجروحیتیه سببیت ویردیکی ثابت اولدیغندن  
برهفته حبسنه و یوزیکرمی غروش اجرت جراحیه نک  
بالتحصیل مدعی به اعطاسنه

غلطهده ساکنه لیزانک جاملرینی قیردیغی ثابت  
اولان غلطه طلومبه جیلارندن دیمتریدن اون بشلک  
جزای نقدی اخذینه و یکریمی غروش جام بدانک  
دخی تضمینه

منوع پیاغقو بیانی صائدقلری اقرارلریله ثابت  
اولان سرکه جیده محمدعلی پاشا خاندنه اجرای تجارت  
ایدن ویداس و نظوره و صوفیه لی جالبوندن برومس  
نظامنامه سی حکمنه توفیقاً اوچر لیرا جزای نقدی  
آلمسنه

اسکدارده قرهجه احمدده ساکن بیلنجی واحد  
افندیکنک طابور امامی محمد رائف افندی پی ضرب  
ایلدیکی ثابت اولدیغندن بر هفته حبسنه

قاضی قریه سنده ساکن کورجی سروپک صراف  
سرکزی طاشله ضرب و جرح ایلدیکی تحقیق  
ایتدیکندن بر آی حبسنه

اسکدارده کفچه دده محله سنده ساکن باغچوان  
یانی ولد دیمتری ایله میخال ولد واسیلک مضارب  
ایلدیکلری تبین ایتدیکندن بر هفته حبسلرینه

اسکدارده آتلامه طاشنده ساکن کوفه جی قنبرک  
علی پی ضرب ایلدیکی ثابت اولدیغندن بر هفته حبسنه  
بشکطاشده صاری مصطفانک قهوه خانه سنده  
یتوت ایدن قایقچی ریزه لی احمدک قایقچی محمد بن  
یوسفی ضرب ایلدیکی ثابت اولدیغندن اون کون حبسنه  
قاضی کویلی حسین آغانک قیوسنک حلقه سنی  
سرق ایدن خاچیکک اوچ آی و آندریقونک صغر  
سنی حبسیله قرقنجی ماده قانونیه به توفیقاً اون کون  
حبسلرینه

بقال چراغی طنائی جرح ایدن پولیس چاوشی  
سایمان افندیکنک مخدومی حسینک هنوز صی  
بولغسندن دولای قرقنجی ماده قانونیه به توفیقاً ایکی  
کون حبسنه درسعادت، بک اوغلی واسکدار بدایت  
محاکمی جزا دائره لرنبه قرار ویرلمشدر .

عساکر شاهانه نک رکوبنه مخصوص حیوانات ایچون  
بهر کیلومی سکّه خالصه اوله رق یکر میشر پاره فینات ایله  
مقاوله و تعهد آلتنه آلتان شعیره حیل و فساد صورتیه قوم  
وقایلیجه و بقله و قره موق و قابورالتی قارشیدر دقلری  
وعساکر شاهانه طوبجی قوشوم حیوانانندن بر  
رأسنک دخی تلفنه سبب اولدقلری ثابت اولان ایکنجی

اردوی هایون شعیر متعهدی حاجی احمد افندی زاده  
تمل افندی ایله مومی الهی کاتبلری ادرنه نک  
متره پولید محله سنده مقیم لفر توفیلیدی ولد دیمتری  
وقره بلوط محله سنده مقیم مینو اوغلی قوچ و ولد  
طناشدن یکدیگریه کفیل بالمال اعتباریه قانون جزانک  
طقسان اوچنجی ماده سنه توفیقاً یوز اوتوز درت  
بیک ایکی یوز یکریمی سکر یحق غروش سکّه خالصه  
اوله رق مومی ایله ایله مرقوماندن تحصیله و مبالغ  
مذ کورده نک ربی اولان اوتوز اوچ بیک بشیوراللی  
یدی غروشک دخی جزای نقدی اوله رق کذلک  
هر اوچندن استیفاسیله خزینه جلیله به تسلیمه و اوچ  
بیک یوز التمش غروش مصارف محاکمه و حقوق  
عمومیه و تشخیصه اعلام خرچلرینک دخی اخذینه  
ادرنه ولایتی مرکز بدایت محکمه سی جزا دائره سنجه  
قرار ویرلمشدر .

## اعلانات

### تجارت بحیره محکمه سنده :

غلطهده خراججی زقاغنده ۱۰ نومرولی دکانده  
تجارته مشغول میخال پتریدیسیک ۱۰ نیسان سنه ۳۱۸  
تاریخندن اعتباراً اعلان افلاسنه و مصالح افلاسیه نک  
رؤیت و تسویه سی ضمننده اعضا ملازملرندن عزتلو  
صبری بک ژور قومیسر و دعوی وکیللرندن  
علکساندر بیرام اوغلی افندیکنک موقت سنندیک  
تعینلرینه و مغازه سیله اشیای زانده بیتیه سنک تمهیرینه  
واوراق و دفاترینک جلبنه و بوبابده کی قرارک موقتاً  
اجراسنه محکمه تجارت بحیره جه قرار ویرلمش  
اولدیغندن قانوننامه تجارتک ۱۷۰ نجی ماده سی مو-  
جینجه دائمی سنندیکلر انتخاب اولنق اوزره اشبو  
نیسانک یکریمی بشنجی پنجشنبه کونی ساعت آلتی  
راده لرنده اصحاب مطلوبک محکمه مذ کورده نک افلاس  
اومنه سنه کلری اعلان اولنور .

مفلس مؤیز ایلیاقوهنه عاؤد اولوب قبل افلاس  
سلطان هامنده خدا ویردی خاندنه ۱۵ نومرولی  
اوطهده مقیم دانیل صادوق افندی به ترهین ایلدیکی  
ادعا اولنان تحفه به متعلق اموال تجاریه نک بالمزایده  
فروختیه ائمان حاصله سنک رهن مسئله سنک نتیجه  
تدقیقاتنه دکن محکمه وزنه سنده حفظی محکمه جه  
قرارلشدر لمش و مزایده معامله سنک دخی اشبو  
نیسانک اون بدنجی چهارشنبه و اون سکرنجی پنجشنبه  
واون طقوزنجی جمعه کونلری ساعت اوچدن آلتی به

قدر اجرایی تسبیب قلنمش اولمغه طالب اولانلرک  
ایام و اوقات مذ کوردهده خدا ویردی خاندنه اون بش  
نومرولی اوطهده حاضر بولملری اعلان اولنور .

قوم قپوده استاسیون جاده سنده ۱۱ نومرولی  
بقال دکانده ساکن ایکن محکمه تجارت بحیره جه  
افلاسنه قرار ویرلمش اولان قسطنطی خرده لییدینک  
مذ کور دکان دروننده موجود بالمله اشیای بقالیه سنک  
مأمورین افلاسیه معرفتیه بالمزایده فروختی نیسانک  
اون ایکنجی جمعه کونی ساعت اوچدن اعتباراً مقرر  
بولندیغندن طالب بولنان ذواتک یوم مذ کورده محل  
ووقت معینه حاضر بولملری اعلان اولنور .

### اسکدار بدایت محکمه سی اجرا دائره سنده :

امینه خانمک حضر لطفی افندی ایله زوجیه سی ذکیه  
خانم ذملرنده بااعلام آلاجنی بولنان مبالغک تأمین  
استیفاسی ضمننده قبل المحاکمه حیز آلتنه آلتان قدیللی  
قریه سنده بایر زقاغنده بر طرفی چیقماز زقاق و باغ  
و بر طرفی سعادتلو خورشید پاشا حضر تلری باغچه سی  
و بر طرفی طریق عام ایله محدود آلتی اوطه و ایکی  
صوفه و برکیلار و ایکی ابدستخانه و بر مطبخ و تخمیناً  
بیک الی آرشون باغچه و دروننده برقیو و نظارت  
کامله پی حاوی اوچ نومرولی مناصفه متصرف بولمقلری  
اخشاب خانه لرینک تاریخ اعلاندن اعتباراً اون بش کون  
سکره بالمزایده فروخته مبادرت اولنه جنی اسکدار  
بدایت محکمه سی اجرا دائره سندن اعلان اولنور .

متوفی طناش و واسیل ورثه سنک بقال خرده لمبوس  
ذمتنده بااعلام آلاجنی اولان مبالغک تأمین استیفاسی  
ضمننده حیز آلتنه آلتان قاضی قریه سنده جعفر اغا  
محله سنده واپور اسکله سی جاده سنده بر طرفی ساقزلی  
میخالک دکانی و بر طرفی حاجی یورکینک دکان و دیگر  
طرفی ابراهیم آغانک توتونجی دکانی و طرف رابی  
اسکله جاده سیله محدود الی آلتی نومرولی بر باب دکانک  
سکر حصه اعتباریه مدیون مرقومک متصرف اولدینی  
بر حصه شایعه سی عندالمزایده لیرا یوز غروش حسابیه  
بش بیک درتیوز غروشده طالبی عهده سنده تقرر  
ایدرک تاریخ اعلاندن اعتباراً بر ماء ختامنده قرار  
قطعی سی ویریه جکی جهتله یوزده بش ضمیمه زیاده  
طالب اولنلرک مدت مذ کوره ظرفنده اسکدار بدایت  
محکمه سی اجرا دائره سنه مراجعت ایملری اعلان  
اولنور